

ՂՈՒԲԱՅ Դ. ԲԱՂԱՔ

Ղուբայ քաղաքը գտնվում է Չամախուց հիւսիս, և Դարբանդից հարաւ, համարեան երկուսի մէջ տեղը, բայց Չամախուց շատ դժուարութեամբ, ըստ որում սարերի և ձորերի վրայով է անցնում:

Ղուբայ՝ որ և Մուսկուր և Ղուզիալ անուններն ունի պարսիկներից (այժմ Խաչմաս գիւղի շրջակայքը անուանում է Միւշկիւր), Աղուանից աշխարհքի քաղաքներից մէկն է, Կովկասու լեռանց արեւելեան ստորոտումն, մի ձորակի մէջ, որոյ մօտովն անցնում է Ղուբայի գետը Ղուզիալ անունով:

Այս գետը յառաջանում է Կովկասու Չահաղ և Ղուզիքար լեռներից և անցնում, գնում թափում է Կասպից ծովը, որ Ղուբայի արեւելեան կողմումն է 50 վերստ հեռի:

Ղուբան շինուած է պարսից Կուպատ¹⁾ թագաւորից ըստ աւանդութեան պարսից, 25 վերստ բարձր քան այժմեան Ղուբան, Կովկասու սարերի ստորոտումն. բայց քանի դար առաջ փոխադրել են այժմեան տեղը: Սակայն իսկապէս Աղուանից թագաւորներից շինուած պէտք է լինի հին Ղուբան: Ղուբայ բառը հարցնելու է Ուտիացուց նիժ և Վարդաշէն գիւղերի հայերից. նմանապէս և շատ այսպիսի յատուկ անուանք պէտք է որոնել Աղուանից և Ուտիացուց լեզուի մէջ, ինչպէս և ուխտատեղերի անուանքն և գետերի և մինչև անդամ հասարակ բառերն ևս, որք անհասկանալի են, և պարսկերէն ենք կարծում լինել:

Ղուբայում կան 160 տուն հայեր, 1000 տան չափ մահմետականք, իսկ գետի միւս երեսին զառիվայր տեղում բնակւած են 1000 տան չափ հրէայք, որ պարսպում են միայն աւելտրովք, և մեծ մասամբ շրջիկ վաճառականութեամբ (փերեզակ — շարշի), ըստ հրէական բուն սովորութեան, իսկ հայք և պարսիկք վաճառականութեամբ, արհեստով և այգեգործութեամբ են պարտաւում:

¹⁾ Խուզատ անունով իջեաանն ևս նոյն է հաստատում, որ Տապասարանի կողմումն է: